



MITIM CARMEN blong Lebanon

Mitim ol Praemeri pikinini we oli stap helpem ol narafala man, semmak olsem we Jisas i bin mekem.



Evri samting abaot Carmen



YIA: 8

BLONG WEA:
Hem i bon long Syria mo naaia i stap laef long Lebanon

OL LANWIS:
Arabik, Inglis

OL KOL MO OL DRIM:

- 1) Visitim tempol.
- 2) Kam wan man blong dro.
- 3) Go long wan misin.



FAMLI:

Carmen i gat tu sista mo wan bigfala brata.

OL PIKIA OLI KAM LONG SVETLA RADIVOEVA

Ol han blong help blong Carmen

Carmen mo mama blong hem i stap long Lebanon, be olgeta blong Syria. Ol neba blong olgeta oli blong Syria tu. Las Disemba, Carmen i bin wantem blong soem kaen fasin long olgeta. Evri dei kasem Krismas, Carmen i pem wan smol samting long stoa. Hem i putum evriwan long wan bokis. Afta long 25 dei, bokis ia i fulap. Long Krismas Dei, Carmen i tekem bokis ia i go long ol neba blong hem. !Oli glad tumas! Carmen i talem se seves blong hem i helpem hem tingbaot seves ia we Jisas Kraes i bin givim. "Taem yumi soem lav long narafala man," Carmen i talem, "yumi film lav blong God." ●



Carmen i folem Jisas taem hem i stap helpem ol neba blong hem. Tanem pej blong ridim wan stori abaot olsem wanem Jisas i tijim yumi blong lavem ol neba blong yumi.

Ol Fevret Samting Blong Carmen



STORI ABAOT JISAS:
Taem Jisas i wokbaot long wota



PLES:
Long sanbij




KAEKAE:
Ol Makaroni, ol aes krim sandae



PRAEMERI SINGSING:
"My Heavenly Father Loves Me"
(Children's Songbook, 228-29)

TOPIK LONG SKUL:
Saens



KALA:
Laet pepol

!Joenem Tim blong Ol Han blong Help!



!Taem yu stap givim seves long ol narafala man, yu kam pat blong Tim blong Ol Han blong Help!
?Huia nao yu save givim seves long olgeta?